



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 36. Ovetum Metropolis.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

sentibus Missam celebret, nullus, si ægro-  
tent, confessionem eorum recipiat, nul-  
lus Sacrosanctam Communionem eis,  
nisi resipuerint, etiam in fine vitæ dare  
præsumat, nullus defunctorum corpora  
sepeliat. His dictis Episcopi lucernas,  
quas manibus tenebant, projectas extin-  
xerunt. Estque istud primum mihi oc-  
currens exemplum excommunicationis,  
quam hujusmodi adjuncta comitantur.

## §. XXXVI.

*Ovetum Metropolis.*

In Hispania Christianis imperabat Al-  
phonso III. jam toto triginta octo an-  
norum spatio, cum parenti sui Ordogno  
anno octingentesimo sexagesimo secun-  
do successisset. Is, civitate Ovetensi  
arte militari munita, ex aliis urbibus Re-  
liquias illuc transferri jussit, ut incurren-  
tibus Normannis extra periculum essent.  
Id enim indicabat erecta crux aurea mi-  
ræ magnitudinis, cujus inscriptio annum  
Regni sui decimum septimum, & æram  
916. nempe annum Jesu Christi octin-  
gentesimum septuagesimum octavum re-  
ferebat. Ecclesiam ab Alphonso Casto  
Compostellæ super corpus S. Jacobi æ-  
dificatam demolitus est, quod parva ni-  
mis & vulgaris ipsi videretur, aliamque  
ex magnis lapidibus, marmoreis colu-  
mnis suffultam, extruxit, atque vasis  
pretio-

Sæculum IX.  
A. C. 900.

*Sup. Lib.*  
*LVIII. §. 46*

*Sampir.*  
*Astur. p. 56.*

*Ambros.*  
*Mor. lib.*  
*XV. c. 9.*

Sæculum IX.  
A. C. 900.

pretiosis ornavit. Plures alias a fundamentis eduxit Ecclesias, non nullas urbes, & præter alias Portum, quæ tunc temporis Portucallia dicebatur, Braccaram, Viseum, & Tuyacum, incolis implevit, & Episcopos constituit.

tom. 9. Conc.  
p. 219.

Structura Ecclesiæ S. Jacobi perfecta, cum Rex Alphonsus Severum & Sinderum Presbyteros, & Rainaldum Laicum, Romam misisset, duas Joannis Papæ Epistolas ei retulerunt. In prima Epistola Papa rogatus a Rege Ecclesiam Ovetensem in Metropolim erigebat. In secunda consensum dabat ad consecrandam Ecclesiam S. Jacobi, & celebrandum Concilium. Tum subjungit: *Nos quoque, sicut vos, ab Infidelibus vexamur, contra quos nobis diu noctuque pugnandum est. Unde rogamus, ut nobis idoneos equos, in Arabia satos, & arma transmittatis.* Rex acceptis hisce Epistolis diem Concilii Compostellæ ad dedicandam Ecclesiam indixit, cui Episcopi septendecim, atque inter illos Vincentius Legionensis, Gomer Asturicensis, Hermenegildus Ovetanus, & Dulcidius Salmanticensis interfuere. Rex quoque cum Regina conjuge, filiis suis, Comitibus tredecim, & innumera populi multitudine adfuit. Ergo nova Ecclesia S. Jacobi solemniter consecratur, & in ea Altaria tria, unum in honorem Domini

Domini nostri, alterum SS. Petri & Pau- Sæculum X.  
 li, & tertium S. Joannis Evangelistæ. At A. C. 901.  
 quartum super corpus S. Jacobi extru-  
 ctum Episcopi consecrare ausi non sunt,  
 quod a septem S. Jacobi Discipulis, quo-  
 rum nomina referebantur, consecratum  
 crederetur. Hoc Concilium sexta Ma- *Ambr. Mor.*  
 ji æra 938. seu anno Salutis nongentesi- *lib. XV. c. 2.*  
 mo celebratum

Vigesima nona sequentis mensis No- *to. 9. Conc.*  
 vembris in eadem S. Jacobi Ecclesia Epis- *p. 482.*  
 copi octo Synodice congregati Cæsa-  
 rium Abbatem, in Archiepiscopum Tar-  
 raconensem electum, consecrarunt, Ar-  
 chiepiscopo Narbonensi, & illis Hispa-  
 niæ Episcopis, qui Narbonensem Metro-  
 politam suam agnoscebant, reclamanti-  
 bus. Quare Cæsarius Romanum Pon-  
 tificem appellavit.

Mensibus undecim post hoc de De- *Sampir.*  
 dicatione Concilium exactis, nempe *ibid.*  
 mense Aprili anno nongentesimo primo,  
 aliud Oveti celebratum, cui Rex iisdem,  
 qui supra, comitantibus, & iidem Epis-  
 copi septendecim interfuere. Quidam  
 Episcopus etiam aderat, nomine Theo-  
 dulfus, a Magno Principe Carolo, quo  
 nomine Rex Franciæ designari videtur,  
 missus.

In hoc Concilio Ecclesia Ovetensis  
 in Metropolitanam evecta est, & Herme-  
 negildus, qui huic Ecclesiæ præerat, a-  
 liorum

Sæculum X.  
A. C. 901.  
liorum Episcoporum Præpositus proclamatus, ut cum ipsis ad reformandam Disciplinam Ecclesiasticam, sub Dominatione Infidelium turbatam, omnes nervos contenderet. Statutum, ut eligerentur Archidiaconi, qui bis in anno Parochias & Monasteria visitarent; Archiepiscopus vero Ovetensis Episcopos in illis civitatibus, quæ olim Sedes Episcopales fuissent, qui idonei viderentur, ordinaret, & omnes ejus Suffraganei possiderent aliquas Ecclesias & agros in Provincia Asturicensi, utpote munitissima, & tuta, quo instante periculo se reciperent, & unde ad Concilia celebranda pergentes necessaria acciperent. Rex limites provinciæ Ecclesiasticæ Ovetensis definivit, & eidem Sedi complures ditones adscripsit; quibus peractis Concilium decima octava Julii solutum est. Alphonfus III. cognomento Magnus, postquam regnasset annis quadraginta octo, anno nongentesimo decimo Æra nongentesima quadragesima octava decedens Garciam filium Successorem reliquit.

## §. XXXVII.

*Joannis IX. obitus. Benedictus IV.  
Papa.*

*Papebr. Conat. Flod. vers. p. 606.*

Joanne IX. Pontifice anno nongentesimo